



OFICIALIA MAIOR
Praza Maior Nº1
32005 - Ourense

A Xunta de Goberno Local en sesión ordinaria de 19 de xuño de 2025, adoptou, entre outros, o seguinte ACORDO:

33.- Convocatoria en réxime de concorrencia competitiva de subvencións a Asociacións e entidades sen ánimo de lucro en materia de Servizos Sociais para o exercicio 2025. Expd.: 2025021602.

A Xunta de Goberno Local, de conformidade coa proposta, por unanimidade dos asistentes, acordou:

Primeiro.- Aprobar as bases xerais reguladoras cos códigos CSV: 6USX7LONYHWXM8MX (versión castelán) e 5VGM1B7IQRBU7WIS (versión galega) para a concesión de subvencións en réxime de concorrencia competitiva a asociacións e entidades sen ánimo de lucro en materia de servizos sociais do Concello de Ourense.

Segundo.- Ordenar a publicación das Bases xerais reguladoras indicadas no ordinal anterior no Boletín Oficial da Provincia para o seu xeral coñecemento e efectos, así como na páxina web www.ourense.gal

Terceiro.- Aprobar a convocatoria para a concesión de subvencións en réxime de concorrencia competitiva a asociacións e entidades sen ánimo de lucro en materia de servizos sociais do Concello de Ourense correspondentes ao exercicio 2025.

Cuarto.- Aprobar o gasto desta convocatoria con cargo á aplicación orzamentaria “Convocatoria anual de subvencións. Benestar Social”, partida 140.2318.48900, pola contía de 325.000,00€ (trescentos vinte e cinco mil euros), do orzamento municipal correspondente ao ano 2025, co RC 202500017463 de data de 25.04.2025.

Quinto.- Remitirlle á Base de Datos Nacional de Subvencións (BDNS) un extracto da convocatoria para a súa publicación no BOP de Ourense, co seguinte contido:

EXTRACTO DO ACORDO DA CONVOCATORIA PÚBLICA EN RÉXIME DE CONCORRENCIA COMPETITIVA DE SUBVENCIÓNS A ASOCIACIÓNS E ENTIDADES SEN ÁNIMO DE LUCRO EN MATERIA DE SERVIZOS SOCIAIS PARA O EXERCICIO 2025 (Exp.: 2025021602).

De conformidade co previsto nos artigos 17.3.b. e 20.8.a da Lei 38/2003, do 17 de novembro, Xeral de Subvencións publícase o extracto da convocatoria cuxo texto completo pode consultarse na Base de Datos Nacional de Subvencións (<http://www.pap.minhap.gob.es/bdnstrans/es/index>):

Primeiro. Destinatarios

Son destinatarios desta convocatoria, nos termos establecidos no artigo 3 das bases:

-As asociacións e entidades validamente constituídas sen ánimo de lucro que realicen actividades de interese ou promoción social ou de utilidade pública e sexan de interese municipal.

Asemade, serán requisitos esixibles ás entidades, que cumprarán antes da data da proposta de concesión da subvención, ademais dos previstos con carácter xeral nos artigos 8 e 10 da Lei 9/2007, do 13 de xuño, de subvencións de Galicia e nos artigos 11 e 13 da Lei 38/2003, do 17 de





Concello de **OURENSE**

novembro, xeral de subvencións, os previstos na Ordenanza municipal de subvencións do Concello de Ourense.

-Que teñan sede social ou delegación no termo municipal do Concello de Ourense. Se terá en conta para determinar a sede social da entidade ou domicilio que figure nos estatutos desta. De terse modificado o domicilio social, se acreditará a modificación no rexistro que corresponda. En ningún momento se considerará sede social calquera dos locais municipais obxecto de cesión temporal co fin de desenvolver o programa, proxecto ou actividade para a que se pida a subvención establecida nas presentes bases.

-Que os seus estatutos teñan como obxectivos e finalidades principais a prestación de servizos sociais dirixidos a persoas colectivos en situación de vulnerabilidade social, coincidentes co obxecto da subvención.

-Que estean inscritas no Rexistro Único de Prestadoras de Servizos Sociais (RUEPSS).

-Que consten inscritas no Rexistro de asociacións municipais ou no Rexistro de Fundacións estatal ou autonómico, ou acrediten ter solicitado a súa inscrición.

Segundo. Obxecto

Constitúe o obxecto destas bases regular o procedemento de concesión de subvencións, en réxime de concorrencia competitiva, destinadas a financiar programas, proxectos ou actividades que, sendo considerados/as de interese, promoción social ou de utilidade pública para o Concello de Ourense, no campo dos servizos sociais, promovan as asociacións e entidades sen ánimo de lucro. Estes programas, proxectos ou actividades deberán dirixirse de forma prioritaria a persoas e colectivos en situación de vulnerabilidade social.

Terceiro. Bases reguladoras

As bases reguladoras estarán a disposición dos interesados na páxina web do Concello de Ourense www.ourense.gal.

Cuarto. Contía

A concesión das subvencións desta convocatoria será atendida con cargo á partida orzamentaria 140 2318 48900 "Convocatoria anual de subvencións de Benestar Social" do orzamento municipal para o exercicio económico 2025 na contía de trescentos vinte e cinco mil euros (325.000,00).

Quinto. Prazo de presentación de solicitudes

As solicitudes se presentarán, no modelo normalizado que se adxunta (Anexo I), a través do Rexistro Electrónico, tal e como esixe o artigo 14.2 da Lei 39/2015, do 1 de outubro, de procedemento administrativo común das Administracións Públicas, sen que poidan ser aceptadas outras formas de rexistro das dispostas no artigo 16.4 do mesmo corpo legal, e se achegará a documentación requirida nas presentes bases reguladoras. O prazo de presentación será dun mes contado a partir do día seguinte ao da publicación da convocatoria no Boletín Oficial da Provincia.

Contra este acordo, que pon fin á vía administrativa, se poderá interpoñer alternativamente recurso de reposición potestativo ante o mesmo órgano que ditou o acto, no prazo dun mes a contar desde o día seguinte ao da recepción da notificación, de conformidade cos artigos 123 e 124 de la Lei 39/2015, do 1 de outubro, del Procedemento Administrativo Común das Administracións Públicas; ou ben interpoñer directamente recurso contencioso administrativo ante o Xulgado do Contencioso-Administrativo de Ourense, no prazo de dous meses, a contar desde o día seguinte ao da recepción da notificación, de conformidade co artigo 46 da Lei 29/1988, do 13 de xullo, da Xurisdición Contencioso-Administrativa. Se optase por interpoñer o recurso de reposición





Concello de
OURENSE

potestativo non poderá interpoñer recurso contencioso-administrativo ata que aquel sexa resolto expresamente ou se produza a súa desestimación por silencio. Todo iso sen prexuízo de que se poida interpoñer calquera outro recurso ou acción que se estime procedente.

Ourense, na data da sinatura electrónica.
A CONCELLEIRA-SECRETARIA,

Tamara Silva Cid

